

Umiktin 1325-15-EP/22

Arantukmajai aetak anintramu, ankan nuya ujakma tarimiat Shuar ju yawi takat Panantzanam - San Carlos najantin

Chicham kakarman Tsupin Umpuarma papijiai (CC) junis tiniuiti ju umiktin seamma ayamrumaktin aarma (AP), wishikramuiti juna penkeri, yajauch imiancha amajkamuiti. Papi umirkamunam, juna umimtikmari ichiprar iyamunam CC nekas aetak anintrusma, ankan ujanakma atin tarimiat shuar tama wishikramuiti, tmiatrusar apapekar ju takamcha pachinma iyámunam nuya ayu pujtainkia ankan susatai aetak unuimiatrar iisarti yawin jusatai tuiniakka tama Panantzanam - San Carlos, Pujutai Chichamrutainmaya najanamu (MAE), papi Umparma iishchamu, yaja nunkanmaya aentsun ayamrumatairi najanamun nuya junisar arantunaiktiniaiti tama iisar najanamu.

Jutikisar iwiarnarti tama, CC jutikias kakarman apujsamayi aetak anintrusma, ankan ujakma atin tamanka, Ekuatura uuntrinkia ujuk nantu nekapmarmanum juna umikti tiri akuptukma juna umikti tiniuiti. Ju takat emtuktinniaka kakarman susatniuiti takat najanatar ankan seamtai susatniuiti yawi takatan najanawarat tusa Panantzanam – San Carlos, junaka jintiar iiki wetiniaiti Ekuatura uuntrinmaya ainia ju takatan pujtain nuya entsa takatan anturainia, ju imiatkin amukar awakekir timiatrusan amajchaitai ashiamunam, aentsu ayamrumatairi mismo nuyanka anaikiaku takatan niinki ju ainia ausha mashiniu.

Aintsank, CC junasha apujsamai MAE tsankurkarturtarum tusa paant seamti tarimiat aents Shuaran, nuka junis uminkiatniuiti: **i)** paant wainkiamnia ainia ai anaikiamu uunt irutkanum niinki takata ju matsatainiamunam nuya irutkamu achitramu ju yawi takat najanatniunam enkekma ainia au, nekas ainias, irutkamu shuar, ayu tuiniakainkia, niinki ankan susamu ujuk nantu pujustin ainiaiwai; **ii)** chicham etsertainmani paant wainkiamnia juna najanainiaiwai timia ujuk nantu ankan susamu atiniaiti; **iii)** maimtek paanmamu shuar nuya apach chichamjai chicham kakarman Tsupin tama papi aarma najanamu apapesar najanamu atiniaiti.

Chicham Iwiarin Alejandra Cárdenas, nii ajarpuamurin enentaimiar iisuiti, arantukmajai aetak anintramu, ankan ujakma tarimiat, aents matsatka nuya irutkamu, nuya chikich, ju tamajai: i) nekas najannachmayi aetak anintramu tarimiat aents Shuar; ii) wainniawai ju umitmakma imiancha najanui arantukma ati tusa uunt umpuarma papi, nuya, iii) tasuiti juka tunaichamu ati irutkamu tarimiat aents Shuar ainia ju yawi takat najannakuish nuya najannachkaisha. Chichaman iwiarin Jhoel Escudero, nii ajarpuamunam, umiktin timiaka penker tuakma nukap tana nujai penker tsatsamar iisar uminkiatniuiti 273-19-JP/22, nunis asamtai, ju Kuismakmanam 169 OIT1 niam, Paanmamu Ayamrumaktin tama Tarimiat aents ujumak iruntrar nuya uunt iruntrar nuya penker pujustin tusa Yaja nunkanmaya chicham kakarman Tsupin aentsun ayamrumaktintrin najanamu, aetak anintrusma, ankan nuya ujakma artiniaiti mashiniu arantunaiktai tama nuja.

Jui enkemam iista:

http://esacc.corteconstitucional.gob.ec/storage/api/v1/10_DWL_FL/e2NhcBldGE6J3RyYW1pdGUnLCB1dWlkOicwNGMzMdJlMS01YmY1LTQ2NjgtODA2Zi05MzY5YTU4OWMzYWwMucGRmJ30=